

PRAESIDEM
 CVRIAE THORVNENSIS
 GRAVISSIMVM,
 V I R V M
 MAGNIFICVM ac GENEROSVM
 DOMINVM
MICHAELEM
WILLERVM.

*Currentis hujus Anni 1722. die 21. Decemb. circa
 6. vespertinam post tot innumeros ac intensissi-
 mos corporis dolores morte beatissima
 Curis omnibus solutum,*

Et ex Curia Civili in Coelestem felicissime trans-
 latum, sequenti autem die 27. eiusdem men-
 sis cum maxima Suorum non minus
 quam totius Civitatis Cura tumulo suo ho-
 norifice illatum,

*Paucis hisce comitari voluit, debuit,
 Curarum adhuc plenissimus
 Henricus Reichelius.*

DOMVS WILLERIANÆ

Clie: subiectissimus.

T H O R V N I I,
 Typis, Ioh. Nicolai, Nobiliff. SENAT. & GYNN. Typogr.

BENEVOLE LECTOR.

Sortis
minimae, mediocris, maxlmae
cogita,
tuis hic oculis obversari
non Encaenia,
sed Naenia,
illis quondam postulantibus gaudium quotannis
cum júbilo insolitum,
his autem dolorem quotidie
cum lacrymis maximum,
& jam jam haut exiguum,
ob fata nimirum

PRAECONSULIS DIGNISSIMI,

ac p. t.
PRAESIDIS GRAVISSIMI,

PL. TIT.

DOMINI
MICHAELIS WILLERI,

felici quidem ac salutari vitae exitu,
Infelici vero ac lacrymabili Curiae non minus,
quam Civitatis, desiderio finira,
Desiderat namque Eundem Curia
tanquam Collegam

Curarum, Laborum, Aerumnarum.

Desiderabit autem Civitas
tanquam Patronum

Felicitatis, Salutis, securitatis,
Illas indefessus semper obiit,
opem nunquam recusando;

Hanc vero pro viribus adaugere studuit,
consiliis usque succurrendo.

In utroque memor (*) sacri sui Iuris-jurandi,
circa obeundum munus hocce,

Cui

Et [Dignitate praefuit,
Virtute profuit,
ante a se praestiti,

A quo difficilius, quam Sol unquam a cursu suo
dimoveri potuit (**)

hoc ipso a se averruncando
partim divini Numinis iram,
partim quoque sibi conciliando
Civium singulorum Gratiam

Postre-

(*) Sacrum non tantum dici, sed & esse Iusjurandum, inter alia notan-
ter vel ex eo probatur, quod S: Literae illi indunt appellationem nu-
meri Septenarii, quem Eruditi alias sacrum esse norunt. שבע e-
nim tam septem, quam Iusjurandum significat. vid. Gen. XX. 31. &
XXVI. 34. de fonte Beersaba.

(**) Ad Exemplum Fabricii Rom. Honestatis olim ut hic Defunctus noster
Iusjurandi semper tenacissimi.

Postremo
mole curarum,
quibus, eheu! acutissimi corporis fuere admixti dolores,
nimium quantum gravatus ac fractus
denique succubuit,
imo, proh dolor! occubuit.

Hinc

quisquis eris,

Curiam tibi minime imaginare tanquam Curis
vel minimis liberam,

sed maximis potius oppressam;

Dicam adhuc verius, sed & festivius:

tanquam libellum holosericum,

quem,

Si spectas foris, forma venustat speciosa,
sin intus, opera nonnunquam abundat dolorosa,

Toti dum tragicus nil nisi casus inest.

Hallucinabor autem neutiquam,

si Naeniorum Lugubria,

Magnò alias huic Praesidi debita,

Encaeniorum modo non frenata, sed effusa dixerim gaudia

Abdicatis namque Curis soli

initiatu jubilis est poli,

dum,

Morte corporis feliciter superata,

Felicissimo simul animam deposuit loco,
ibidem,

ablata Cura qualicunq;

tanquam Curiosus modo Mysteriorum Inspector

tristitia cum laetis,

caduca cum aeternis,

mala cum bonis,

humanaque cum divinis

permutando.

LECTOR AMICE,

Qui Aegyptiis adhuc lateribus in vitae huius servitute
coquendis & bajulandis fatigaris ac attereris,

addo plura:

Qui variis, iisque infinitis etiamnum Curis
Coqueris, concoqueris, decoqueris, excoqueris, per-

coqueris & recoqueris,

Ardentissimum Illius desiderium,

quod cunctis reliquit

in Vorum,

ob terram Canaan benedictam,

quam consecutus est,

devotissimum converte,

Manibus Eius bene precando.

Et, quia

$\tau\acute{\alpha}\ \kappa\alpha\lambda\acute{\alpha}\ \delta\upsilon\sigma\kappa\omicron\lambda\alpha,$

eo majori ope $\acute{\alpha}\delta\iota\alpha\lambda\epsilon\iota\omega\tau\omicron\varsigma$ nitendo,

ut asperis huius seculi Curis aliquando solutus
astris non minus beatissimis cum Ipso inseraris.

Interea,

velut Vnio & in profundo maris Gemma manet pretiosa,

Aurum & in abditissimis fodinis Metallum exquisitum

Illas vel in obscuro Opus excellens;

ita

Ita
PRÆSES HIC NOSTER

& in visceribus terrae
post tot Curarum myriadas
Clarus semper ac Insignis

(Platoni sua Scientia,
(Cimoni Liberalitas,
Sufficiat itaque (Aristidi Iustitia,
(Catoni Gravitas,
(Dædalo Ingenium,
(Harpocrati Silentium,
multosque alios divisæ multæ virtutes efficiant claros,
HVIC (praeter Pietatem,) sola atque unica, eaque sancta
commissi a DEO muneris Cura Publica suffecit,

qua
Et (vivi Gloriam meruit,
(mortuus Famam reliquit.
His abi ac vale.
&, quoad valueris,
disce,
Curas huius vitae,
cum Curia coelesti tandem rite,
imo
In ipsa Ἀναύσει tua
cum Gloria eiusdem
ἀμείντω καὶ ἀμαρῶνται
quam felicissime aliquando. commutare.

EPITAPHIVM.

*Sis, quicumque voles, Curarum plene Viator,
Disce semel, semper ne moriari, mori.*

